



ENERGOTEHNIKA d.d. Vogošća

Igmanska bb, 71320 Vogošća, Bosna i Hercegovina, tel: +387 33 432 632, +387 33 433 848,
<https://www.bagsenergotehnika.ba>, e-mail: info@bagsenergotehnika.ba

Vogošća: 28.10.2024. godine
Broj: 343-10/24

SAOPĆENJE ZA JAVNOST DRUŠTVA
„BAGS-ENERGOTEHNIKA“ d.d. Vogošća

Zbog činjenično i pravno neutemeljenih izjava Premijera KS Nihada Uka i Ministra komunalne privrede, infrastrukture, prostornog uređenja i građenja KS Bojana Bošnjaka, iznesenih u proteklom periodu, a koje se odnose na poslovanje kompanije “BAGS-ENERGOTEHNIKA” d.d. Vogošća, obraćamo se sa sljedećim saopćenjem. Izjave koje su iznesene, posebno u vezi sa uzrocima kašnjenja početka grijne sezone u Vogošći zbog neosiguranih sredstava za nabavku energenta od strane Vlade KS, zahtijevaju pojašnjenje radi istinitog izvještavanja javnosti.

- 1. Iskustvo i Poslovanje BAGS-ENERGOTEHNIKA” – BAGS-ENERGOTEHNIKA” d.d. Vogošća** je društvo koje se više od 35 godina bavi isporukom toplotne energije za građane, javne ustanove i privatne kompanije unutar općine Vogošća, te snabdijevanjem vodom i toplotnom energijom kompanija unutar stare industrijske zone Unis Pretis duže od 50 godina. Od neuspjele privatizacije iz 2000. godine, koja je poništena krajem 2007. godine, kompanija, koja je dvotrećinski u vlasništvu Vlade KS, zbog zastarjelog sistema zagrijavanja i pasivnog odnosa većinskog vlasnika, u stalnoj je potrebi za sufinansiranjem proizvodnje toplotne energije od strane Vlade KS isključivo i namjenski za nabavku energenta (mazuta). U periodu od 2014. do 2023. godine, Vlada KS i resorno Ministarstvo sufinansirali su nabavku energenta u iznosu od 12.867.563,12 KM za potrebe grijne sezone, nakon čega je društvo provodilo postupak javnih nabavki za nabavku energenta.
- 2. Predložena rješenja za unapređenje sistema** – Godinama su predlagana različita rješenja za rješavanje pitanja vlasničke strukture, ponovljene privatizacije, kao i prijedlozi za izmjenu sistema grijanja uvođenjem ekološki prihvatljivih sistema poput gasifikacije ili toplotnih pumpi. U 2023. godini završen je proces javne nabavke i odabira izvođača radova za implementaciju novog sistema toplotnih pumpi, a sredstva su budžetom obezbijedena. Međutim, iz sebi poznatih razloga, Vlada KS obustavila je ovaj proces, čime je spriječeno uvođenje savremenih energetske sistema koji su, uz ekološke prednosti, znatno efikasniji i ekonomičniji u odnosu na postojeći sistem, te ne bi dolazilo do zastoja i problema sa nabavkom energenta, da je došlo do implementacije projekta toplotnih pumpi.
- 3. Neadekvatno upravljanje od strane većinskog vlasnika** – Kao dioničko društvo, poslujemo prema strogo definiranoj zakonskoj regulativi. Imajući u vidu da je Vlada KS dvotrećinski vlasnik društva, resorno Ministarstvo, kojim upravlja Ministar Bošnjak, proteklih nekoliko mjeseci tri puta se oglasilo o saziv za skupštinu dioničara. Napominjemo da se skupština društva ne može održati bez predstavnika Vlade KS, čime se društvu nanosi direktna šteta i dodatno otežava redovno poslovanje, a što je vrhunac neodgovornosti vlasnika prema društvu.
- 4. Nedostatak posvećenosti Ministra Bošnjaka** – Zabrinjava činjenica da Ministar, koji je na funkciji gotovo godinu i po, nikada nije posjetio firmu, iako je višestruko i usmeno i pismeno pozivan na sastanke, koje je svjesno ignorisao. Ministarstvo je redovno i temeljito pismeno izvještavano o svim aktivnostima kompanije, ali je evidentno elementarno nepoznavanje

Identifikacijski broj: 4200479170006, Porezni broj: 02050456, PDV broj: 200479170006.

MBS: 65-02-0004-14 Kantonalni sud Sarajevo,

Transakcijski računi: 1340011120028909 ASA Banka d.d. Sarajevo, 1540012000291290 Intesa Sanpaolo Banka d.d. Sarajevo

Ministra u vezi s poslovanjem društva, kao i njegova nezainteresovanost za rješavanje problema građana općine Vogošća te zakonske obaveze kao predstavnika većinskog vlasnika.

5. **Sprovođenje ranijih sporazuma**– Podsjećamo Ministra da je krajem 2023. godine lično potpisao sporazum o sufinansiranju nabavke mazuta za grijanje. Premijer Nihad Uk također je 18.12.2023. godine potpisao Zaključak kojim je obezbijeđeno 500 tona mazuta iz robnih rezervi kompaniji “BAGS-ENERGOTEHNIKA” d.d. Vogošća za potrebe grijne sezone, a što sada osporavaju i ne žele da urade.
6. **Transparentnost u komunikaciji s građanima** – Menadžment firme, zajedno s Načelnikom općine Vogošća gosp.Migdodom Hasanovićem, održao je sastanak s predstavnicima građana Vogošće. Na sastanku su prezentovane sve relevantne i dokumentovane činjenice u vezi s nemogućnošću nabavke mazuta, te su prezentovane aktivnosti koje je društvo provelo tokom ljetne sezone za pripremu postrojenja i sanaciju brojnih kvarova i gubitaka energije, kako bi se osiguralo odgovorno poslovanje i pružanje kvalitetne usluge građanima, javnim institucijama i firmama u općini Vogošća.
7. **Stabilizacija poslovanja i finansijska odgovornost** – Podsjećamo Ministra da je menadžment BAGS-a u proteklih osam godina sanirao dugove prema zaposlenima, dobavljačima i poreznim institucijama, koji su nastali prije 15 i više godina, te stabilizirao poslovanje uz redovno plaćanje svih obaveza, uključujući plate i doprinose zaposlenima. Menadžment je također iz vlastitih sredstava finansirao iznos PDV-a na subvencije Vlade KS i nabavku ekološki prihvatljivih kotlova na plin čija implementacija se očekuje od grijne sezone 2025/26.
8. **Odbijanje nezakonitih postupaka** – Iako je Ministarstvo u nekoliko navrata tražilo drugačije, menadžment BAGS-a ne želi kršiti zakon provodeći postupak javne nabavke za energent za grijnu sezonu bez osiguranih sredstava za tu namjenu. Pozdravljamo inicijativu Ministra i Premijera KS i izražavamo zahvalnost za potrebu pozivanja Ureda za borbu protiv korupcije KS da ispita sve okolnosti i odgovornost svih učesnika. Pozivamo Ured da temeljem sve dokumentacije i korespondencije utvrdi činjenično stanje.
9. **Ekonomska važnost grijanja kompanije VW**
“BAGS-ENERGOTEHNIKA” d.d. Vogošća snabdijeva grijanje za firmu VOLKSWAGEN d.o.o. Vogošća, a koja je od krucijalne važnosti za KS i Bosnu i Hercegovinu, a čime ostvaruje prihode kroz formiranje tržišne cijene. Ova saradnja je od ključne važnosti, budući da kompanija VOLKSWAGEN d.o.o. Vogošća zapošljava nekoliko stotina radnika, omogućavajući BAGS-u redovno izmirenje svojih obaveza a isti doprinosi stabilnosti lokalne ekonomije.
10. **Poziv na odgovornost i aktivno uključivanje Vlade KS** – Na kraju, u cilju osiguranja sredstava za grijanje građana općine Vogošća, a u skladu s praksom proteklih 14 godina, koja je vrlo dobro poznata i Ministru i Premijeru, pozivamo resorno Ministarstvo i Vladu KS da, kao većinski vlasnici, preuzmu odgovornost, deblokiraju procese koje su sami blokirali te se aktivno uključe u donošenje rješenja u interesu građana i institucija općine Vogošća.



Predsjednik sindikata Društva



Predsjednik Nadzornog odbora

